

Uunga siunnersuut: Pisortat ingerlatsineranni suliassat sularineqartarnerat pillugu inatsisartut inatsisaata allanngortinneqarnissaa pillugu Inatsisartut inatsisaat nr. xx, xx 2011-meersoq.

(Namminersorlutik Oqartussat eqqunneqarnerata aamma Kalaallit Nunaannut pinerluttulerinermik inatsisip nutaap akuersissutigineqarnerata kingunerisaanik iluarsisassat il.il.)

(Naalakkersuisut siulittaasuat)

Saqqummiussissut

(Naalakkersuisut siulittaasuat)

Siullermeernera

Pisortat ingerlatsineranni suliassat sularineqartarnerat pillugu inatsisip allanngortinneqarnissaanik siunnersuut matumuuna Naalakkersuisut sinnerlugit saqqummiutissavara.

Kalaallit Nunaannut pinerluttulerinermik inatsimmik nutaamik 1. januar 2010-mi eqqussisoqarnerata kingorna nipangiussisussaataaneq pillugu suliassat sularineqartarnerat pillugu inatsimmi aalajangersakkat arlallit iluarsineqarnissaat pisariaqarpoq.

Kalaallit Nunaannut pinerluttulerinermik inatsit nutaaq nipangiussisussaataanermit aalajangersakkanik erseqqissaasunik arlalinnik imaqarpoq, tamakkulu suliassat sularineqartarnerat pillugu inatsimmi aalajangersakkamut atuuttumut naapertuupput. Pinerluttulerinermik inatsit nutaaq malillugu inuit pisortanit sulisussanngortitaallutik suliffimmik ingerlataqartut ingerlataqarnikulluunniit imaluunniit inuussutissarsiummik ingerlataqartut pinerluttulerinermik inatsimmi nipangiussisussaataanermit aalajangersakkanut ilanngunneqarput. Ilanngullugu aamma pinerluttulerinermik inatsimmi erseqqissarneqarpoq ikiortitut sulisorineqartut aamma nipangiussisussaataanermit ilanngunneqassasut. Kiisalu nipangiussisussaataanerup ingerlateqqinneqartussaananeramik pissutsit pinerluttulerinermik inatsimmi erseqqissarneqarput.

Uunga siunnersuut inatsimmi pinerluttulerinermik inatsimmut innersuussinerit pinerluttulerinermik inatsimmut massakut atuuttumut naapertuuttunngorlugit matumuuna nalunaarutigineqarput aammattaaq kukkusumik innersuussineq aaqqinneqarpoq.

Peqataanik namminersorneq pillugu inatsisip eqqunneqarnerata kingorna Naalakkersuisunut aamma Kalaallit Nunaanni Namminersorlutik Oqartussanut taaguutit suliassat sularineqartarnerat pillugu inatsimmi naapertuuttunngorput.

Siunnersuuteqarnikkut eqqarsaataangilaq inatsisitigut massakut atuuttuni
allanngortitsinissaq.

Taamatut oqaaseqarlunga allannguutissatut siunnersuut Inatsisartunut suliassanngortippara.